

串雅內編卷四

錢塘趙學敏恕軒纂輯

錢塘吳庚生平格補注

單方

內治門

金粟丸 治久嗽暴嗽

雄黃兩一研末用泥固濟令乾水調赤石脂封口更以泥封待乾架在
地上用炭火十斤簇煨候火消三分之一去火待冷取出如鏡面光
明紅色在磁鉢內細研蒸餅丸如米大每服三丸或五丸以甘草湯
吞服服後稍睡良久即愈

庚生按此方似太猛峻用時須審病人虛實為安予嘗以一方治久
嗽頗效方附後 香櫟一枚去核切片以清酒同搗爛入砂罐文火

徐徐煮之自黃昏至五更為度用蜜拌勻喚醒病人屬其用匙挑服服畢再睡片時一次即愈 又方向南柔桑枝一束折寸斷納砂罐中入水五碗煎至一碗飲之亦效

仙傳膏 專治血症

剪草一斤洗淨晒乾為末入生蜜二斤和為膏以器盛之不得犯鉄器每日蒸晒一次九蒸九晒乃止病人於五更時面東坐不得語言以匙抄藥四匙食之良久以稀粟米飲壓之藥宜冷服米飲亦勿大熱服後或吐或嘔均不妨久病損肺咯血一服即愈尋常嗽血妄行每服一匙可也此藥絕妙

庚生按此許學士方也專治勞瘵吐血肺損及血妄行等症許公盛推其妙稱為神授云剪草疑即茜草本草雖載其名祇云生山澤間苦涼無毒未明形狀本事方謂剪草如茜草婺州台州皆有之人鮮

知者細繹方意益即如薦也

沈金龜云剪草止血近時藥肆亦不知此品

青藤膏 治一切風疾

青藤

出安徽太平縣者上二三月采之

不拘多少入釜內微火熬七日夜成膏藏甕

器中用時先備梳三五把量人虛實以酒服一茶匙後將病人身上拍一下即遍身發痒不可當急以梳梳之痒止即飲冷水一口便解風病皆愈須避風數日

庚生按青藤本名青風藤生台州山中其苗蔓生木上四時常青主治風疾兼治風濕流注癰癤鶴膝麻痺痿痒損傷瘡腫等症此方見集簡方

雞子飲 治狂走傷寒

出過小雞蛋殼泡湯服即睡

白虎癰癤風 感風濕而成遍身掣肘疼痛足不能履地百藥不效身體

羸瘦

木通

二兩切細

取長流水煎汁服之後一時許周身發痒或發紅點勿懼

上下出汗即愈

乾血勞 過三年者不治

白鵝

一隻去腸淨

入血竭一兩二年者二兩三年者三兩以針線縫住用

無灰酒煮數沸令病人食之瘀血即行如心中恍惚者食白煮肉一塊即止

治大風 此惡疾勢不可救者用此藥治之

皂角刺

二斤洗淨

研為麤末蒸一二次曬乾再研細濃煎加大黃錢一調白

滾湯服鬚髮再生

瘡疾 不拘遠近

鯽魚草帶根七個好酒煮透露一宿次晨復熱透向東服兩劑即愈

又方

薏仁

兩一好酒半壺同煮露一宿次晨熱透去薏仁飲酒神效

猝心痛

牙關緊閉欲死者

葱白五莖去皮鬚搗汁以匙送入咽中再灌麻油四兩但得下咽即
匙少頃蟲積皆化為黃水而下永不再發

庚生附厥逆腹痛方

此症陰毒傷寒及時症常有之

雞子七枚連殼煮熟去壳對切開覆臍眼上稍冷即換七枚徧覆陰
氣盡收入雞子內即愈

心疼

香樟樹皮刮去面上黑黃用第二層皮搗碎煎湯服即止永不再發
庚生按心痛之症世不多見實乃胃氣痛耳莫氏一方治胃氣痛頗
驗方用艾葉十片揉碎在銅器內微火炒黃將鹽酒二錢拌入炒乾

取出研細末用燒酒一杯送服俟腹內作響或降氣或吐清水即愈
戒食茶水油膩數日逢初二十六再進一服淡鹽湯下永不發矣此
方平淡而有效惟須臨時修合並不得令婦女雞犬見之

腰脚疼痛

掃帚子三錢炒黃研末用黃酒沖服即止

筋骨疼痛

如夾板狀不可忍者

騾子修下蹄爪甲燒灰存性研末或黃酒或滾湯調服立愈

水腫

田螺不拘多少漂淨加香油一盞於水內其涎自然吐出取涎晒乾
為末每服不過三分酒調下水自小便下氣自大便出腫即消散再
服養脾腎之藥即愈

庚生按水腫用前方治之內有積熱者為最宜憶香祖筆記中載一

方頗簡便予曾試用有效 方用老絲瓜絡

三條去子剪碎

巴豆

四十九粒去壳將

巴豆和絲瓜絡同炒俟巴豆深黃色去巴豆入黃米三合同絲瓜絡

同炒至米黃為度取米研粉為丸如梧子大每服三十粒用薏仁湯

下神效

哮喘

鵲巢用瓦燒紅將鵲巢放上自然成灰研細末好酒下立止

又方

蠶蠶七條焙黃為末米湯或茶酒下

庚生按治哮喘用圓明散得效甚捷 方用瓜蒌二枚每個上開一

孔入明礬如蠶豆大五粒蓋好在瓦上煨存性研末以熟蘿蔔同食

之藥盡病除又孟河馬氏治吼喘秘方亦奇驗 方用白菓十一枚

炒黃芩五杏仁一錢

蘇子一錢五分

法半夏

款冬花

桑白皮各一

錢甘草

五分煎服

痰飲吐水

赤石脂

一斤

日服方寸匕酒飲加至三七服盡一斤終身不吐又不

下痢能補五臟令人肥健有人患痰飲服諸藥不效服此遂愈

酒積

年久者飲酒即痛及吐

桃奴不拘多少為末酒服三錢其效如神

酒積酒毒

天南星斤一土坑燒赤沃酒一斗入坑放南星盆覆泥固濟一夜取出
酒和水洗淨切片焙乾為末入硃砂一兩薑汁麵糊丸如梧子大每
服五十丸薑湯下

積塊黃腫

年久砂鍋研末水飛過作丸每酒服五錢

風眼赤爛

明淨皮硝一盞水三盞煎融露一宿濾淨澄清朝夕洗目三日紅即消散雖年久亦愈

洗眼中星

白蒺藜

錢三水煎洗之三日即無星

附方目中起星以人乳磨山茨菇汁滴目中日三四次即退

紅眼

葶藶汁塗上即愈

痘入目中

豬血點之即不生翳或以鱈魚尾血點之即移開

睡起目赤

生地黃汁浸粳米半升晒乾三浸三晒以米煮粥食一盞數日即愈

以其能清血熱也

目生翳膜

細料白瓷鐘一個大火煨過研極細末篩過加雄黃二分為末早晚各點少許不可多用以角簪撥出翳膜為妙若紅腫用人指甲末點四角即愈

庚生按去翳用白瓷鐘須擇舊碎瓷如哥窯白定粉澄明建等瓷用之方可且須細研細篩用水飛過研至無聲為妙一或不慎無益有損新者萬不可用

附去赤翳方

田螺一枚去殼以川連細末摻入露一宿早晨取化出之水點之即退

喉風

木鱉用碗片刮去皮毛取仁切薄片浸冷水內三時許搥開病人口連水滴下潤至喉間立時見效

驚氣失音

蜜陀僧末一匕茶調服即愈

咽中結塊 不通水米危困欲死

百草霜蜜丸如芡實大用新汲水化一丸灌下甚者不過二丸名百靈丸

小兒舌膜 初生小兒有白膜皮裏舌尖或徧舌根急以指甲刮破令出血以燒礬末如萊豆大敷之若不刮去白膜必啞

鼻血不止

蒜一枚去皮搗如泥作餅子如錢大左鼻出血貼左足心右鼻出血貼右足心兩鼻俱出俱貼之立瘥

鼻中肉墜

竊節有贅處燒灰存性為末吹患處此方見養生經驗合集

噴嚏丸

治中風不語尸厥等症中惡中鬼俱妙

生半夏

三錢

為末水丸如黃豆大塞鼻孔中必噴嚏如不止以涼水飲

之立止

庚生按此方兼治五絕中痰等症半夏以研細末吹入鼻中為宜蓋為丸塞鼻每致閉氣反為害矣或臨時以水為丸庶無乾硬閉竅之弊

灌鼻出涎

治遠近風癰心恙風狂中風涎潮牙關不開破傷風搐者用

肥皂角一斤去皮弦子切碎以酸漿水浸春秋三四日夏一二日冬

七日揉撈去滓將汁入銀器或砂鍋慢火熬透以槐柳枝攪成膏取

出攤厚紙陰乾收貯用時取手掌大一片溫水化在碗內灌入病人

鼻孔內良久涎出為驗如欲涎止服溫鹽湯一二口即止忌食雞魚
生冷濕麵等物

耳鳴

生地黃切斷紙包火煨塞耳數次即愈

耳內腫痛

瓦松搗汁灌之

風熱牙痛

紫金散

治一切牙痛去口氣大效

大黃燒存性為末早晨揩牙漱口

痧脹腹痛

凡夏月多患此症面色紫赤腹痛難忍如飲熱湯便不可救

即溫湯亦忌服如遇此症速以生黃豆咀嚼咽下立刻止痛平常食
生豆最引惡心止有痧脹人食之反覺甘甜不知生腥氣此方既可
療病且可辟症真奇方也

暑天怕風

鵝不食草陰乾用好燒酒浸一宿乾後再浸如此七次若右邊痛將草塞右鼻左痛塞左鼻約一時許鼻流冷水即愈

痞塊

八月白露後收糯稻上露晚間服二次即消

治痞積

陳核桃燒灰存性如患痞者小兒每歲服一釐十歲以上只可服一分不得多服大人亦只服一分滾湯調服須秤準分兩不可多少服至二三日便瀉黑糞十日以後必出鼻血一次患者勿懼此是藥驗也必待黑糞變為黃糞痞漸消散然後停藥此方百發百中

庚生按痞積症小兒為多此方初起為宜如日久者不若華陰李孝廉方為妥善予嘗試驗屢有奇效

方用大棗百枚去核以生軍切如棗核大塞於棗內用麵裹好煨熟
搗為丸如蠶豆大每服七丸日再服神效

盜汗

五倍子去蛀末炙乾研末男用女唾女用男唾調糊填臍中外用舊
膏藥貼之勿令泄氣兩次即愈

庚生按盜汗用此方極靈驗且有益無損予嘗加入龍骨等分同研
如法用之並可治夢遺滑精等症神效非常

消渴飲水

蜜陀僧二兩研末湯浸蒸餅丸如梧子大濃煎蠶繭鹽湯或如根湯
或酒下一日五丸日增五丸至三十丸止不可多服五六服後以見
水惡心為度惡心時以乾物壓之自定此方甚奇

白濁

羊角火煨刮灰末三錢酒下立除

止呃逆

刀豆子燒存性白湯調服立止

變通丸 治赤白痢日夜無度及腸風下血

黃連

二吳茱萸二

湯泡七次同炒揀出各自為末粟米飯丸如梧子

大分貯每服三十九赤痢用黃連丸十五粒甘草湯下白痢用茱萸

丸十五粒乾薑湯下赤白痢各用十五丸米湯下

按白痢未必皆寒乾薑宜酌用

治痢初起 不問男婦室女姪娘小兒皆治之

白蘿蔔二三斤洗淨連皮放石臼內搗碎絞取濃汁如十歲以內小

兒每日吃一飯碗大人每日吃二三飯碗俱要吃冷不見火忌葷腥

雜味並治疫痢如神

庚生按治痢用銀花為炭赤者白糖沖下三錢白者赤糖沖下三錢

即止

又方赤痢以白雞冠花白痢以赤雞冠花燒灰存性酒下神驗並治赤白淋

血崩 諸藥不效服此立止

甜杏仁皮燒存性為末每服三錢空心熱酒調下

庚生按血崩一症極危極險予嘗治一老年婦人驟然崩注百藥不效偶檢藥譜明療中載一方用女貞子五錢當歸身三錢北沙參三錢新會皮二錢五分蓮肉五錢丹參二錢五分綿芪三錢各為粗末用小雌雞一隻以粗麻線勒斃去毛並腸雜入藥於雞腹內煮半周時去藥食雞及湯因尚平安試之即止其後屢用屢驗

夢世

紫花地丁草搗為膏貼臍上立止